

Wärth'n lief met der Koaffeemühle röm un cummandirte ihre Voite, un de Gäste begoafften uns, un wie mer fleelaut wiederfroiten, do soit se, ee Bette wäre no do, doas andre hätt ch a Grenzjaiger bestellt, dar käme zun Obend wieder.

„Na,“ soit ch, „Se hoan wull o a Koannepe, wu mei Suh'n truff lieg'n koann?“

„Doas gieht,“ mehnt se, „ader Se miss'n Dalle in eener Stube liegn.“

Doas woar mer nu ganz egoal. Ich woar fruh, doas ch menne Knuch'n funnte ausrug'n loss'n, und Bodder, Brud un Nase schmeckt'n delegoat zun eefach'n Biere.

Wie mer zu Bette giehn wullt'n, — mei Suh'n hätte beinonde no oan biehmsch'n Fleescher n Hund oabgekost, — mehnte de Wärth'n, mer kännt'n Jed's in an Bette schlofen, dar Grenzjaiger wäre ne gekumm'n. Se loichte uns ruff, un ich suchte mersch breetste aus, un loag drinnen, ih mei Suh'n s Licht ausgeblösen hotte. De Thire kunnt mer ne zuschliff'n, se hotte nor anne Klink'e. Ader mer docht'n: „se wärn'n ne mausen,“ un schnoarchten bale.

Uff eemol, 's muchte su öm a Ges röm sein, eß Licht in der Stube, un de Wärth'n rufft: „Gener dar Harr'n muß aus'n Bette, dar Harr eß gekumm'n und hot no Genen metgebrought.“

Himmel, docht do in Schlose, mich dreekt der Dalp, riehere mich ader ne, sunnern schnoarche, woas 'ch koann, un denke: wärscht ja sahn, woas do draus wärd.

Un reechtig, mei Suh'n kroicht aus'n Bette un läht'ch uffs Koannepe. Woas ar fer enne Decke gehot hoat, wees'ch ne mi. Un de beeden Harren kummen, — gesahn hoa'ch se ne, — und entschuldg'n sich, krieg'n ader keene Antwort, un bischbern zusam'm, doas doas Bette fer Zweek do a Böffel zu schmoal wäre, frich'n ader nein un blöf'n s Licht aus.

Ader nu hoat mersch do bale s Harz oabgestuften fer Lachen, wie de Beeden kloiten, doas Bette ne zulangen wällte, un sich eemmer rückten, doas de Bettstelle knoarrte.

Endlich woar'ch do eingeschlofen, ader lange kunnts ne sein, denn der Dalp graute ärscht, do erwacht'ch, weil de Beeden uffstanden, weil se s ne mieh aushalen kunnten, und sich na n Woaschen dervun machten. Do hoa mersch ader do bale ausgeschütt for Lachen, un kunnt'n o ne mieh schlofen,